



**REPUBLIKA E SHQIPËRISË**  
**BASHKIA SHKODËR**  
**DREJTORIA E SHËRBIMEVE SOCIALE, STREHIMIT DHE SHËNDETIT PUBLIK**

---

Nr. \_\_\_\_\_ Prot

Shkodër, më \_\_\_\_\_.\_\_\_\_.2019

**Lënda:** Kthim përgjigje kërkesës për informacion

\_\_\_\_\_  
**Rruga:** \_\_\_\_\_, Durrës

Në vijim të kërkesës suaj për informacion ju informojmë si më poshtë:

Bashkia e Shkodrës gjatë vitit 2018 ka realizuar 10 takime konsultative (7 në njësitë administrative përkatësisht në Ana e Malit, Bërdicë, Postrinë, Dajç, Velipojë, Rrethina, Gur i Zi dhe 3 në zonën urbane përkatësisht në lagjet nr. 1, 3 dhe 5), ku pjesëmarrëse në këto takime kanë qenë gra, të cilat kanë diskutuar mbi nevojat e tyre në territor.

Të gjitha aktivitetet sensibilizuese që organizohen nga Bashkia e Shkodrës, në ditë ndërkombëtare (8 marsi-dita ndërkombëtare e gruas, 8 prilli-dita ndërkombëtare e romëve, 15 maj-dita ndërkombëtare e familjes, 1 qershor-dita kombëtare e fëmijëve, 1 tetor-dita e të moshuarve, 20 nëntor-dita ndërkombëtare për mbrojtjen e të drejtave të fëmijëve, 25 nëntor – 10 dhjetor - 16 ditët e aktivizmit kundër dhunës me bazë gjinore, etj.) i kushtojnë vëmendje të veçantë qasjes gjinore dhe promovimit të rolit të gruas në shoqëri. Në 16 ditët e aktivizmit kundër dhunës me bazë gjinore, Bashkia e Shkodrës ka planifikuar dhe zhvilluar një sërë aktivitetesh sensibilizuese. Aktivitetet janë zhvilluar në bashkëpunim të ngushtë me partnerët e shoqërisë civile, institucionet publike dhe sigurisht median, me synim shpërndarjen e informacionit sa më gjerë. Organizime të veprimtarive ndërgjegjësuere, si; aktivitete me të rinjtë, forume diskutimi, takime me grupe vulnerabël ndaj fenomenit dhunë në familje, emisione në media, etj., zhvillohen përgjatë të gjithë vitit, por theksi dhe intensiteti i tyre është në 16 ditët e aktivizmit.

Në territorin e bashkisë së Shkodrës, pas zgjedhjeve vendore të 2015, përfaqësimi i grave në politikë e vendimmarrje ka pësuar një përmirësim të dukshëm. Bashkia e Shkodrës, Këshilli i qarkut drejtohen nga gra. Këshilli Bashkiak ka 51 anëtarë nga të cilët 24 gra. Kjo shënon një përmirësim nga situata e mandatit të shkuar në të cilën përqindja e grave në Këshill ishte 13% (6 gra nga 45 anëtarë). Stafi i Bashkisë Shkodër --- 55.1% janë gra dhe 44.9% janë meshkuj. Kryetarja dhe një ndër nënkrytarët e Bashkisë Shkodër janë gra. Numri i grave në pozicione drejtuese në Bashkinë e Shkodrës dhe institucionet e varësisë është 10 kundrejt 31 pozicioneve drejtuese në total, pra 32.3% . Ndërsa përqindja e grave në komisionet e këshillit bashkiak është 42.1%.

Një eksperiencë e tillë, është absolutisht një sfidë, por edhe një motiv pozitiv për të shfaqur qartë mundësitë e femrave në politikë dhe vendimmarrje.

Bashkia e Shkodrës ka nënshkruar Kartën Evropiane në 8 Mars 2017, duke e bërë atë pjesë të dokumentave dhe instrumentave që orientojnë veprimet dhe hapat që ndërmerren në të gjitha aspektet e jetës: politike, ekonomike, shoqërore dhe kulturore. Menjëherë pas marrjes së këtij angazhimi publik, i gjithë stafi i Bashkisë Shkodër është angazhuar maksimalisht për zbatimin në praktikë të Kartës Evropiane. Përveç përkushtimit për hartimin e Planit të Veprimit për Barazinë Gjinore 2018-2020 për një periudhë relativisht të shkurtër kohore, Bashkia Shkodër është e para bashki që caktoi në buxhetin e saj vjetor një zë dhe fonde përkatëse pikërisht për aktivitete për zbatimin e Kartës Evropiane.

Gjatë vitit 2018, si hap i parë i zbatimit në praktikë të Kartës Evropiane për Barazi të burrave dhe grave në jetën vendore Bashkia e Shkodrës ka përgatitur planin e veprimit për Barazinë Gjinore, dokument i cili është miratuar në mbledhjen e Këshillit Bashkiak të datës 20 dhjetor 2018.

Plani i Veprimit për Barazinë Gjinore, mbulon një tërësi fushash dhe në të parashikohen veprime që synojnë: respektimin e të drejtës themelore të barazisë ndërmjet grave dhe burrave, vajzave dhe djemve; trajtimin e çështjeve të pabarazive dhe diskriminimit; veprime për eliminimin e stereotipeve gjinore; pjesëmarrjen e balancuar të grave dhe burrave në vendim-marrjen politike e publike; aksesin në shërbime të ndryshme të hartuara sipas nevojave të veçanta të grave dhe burrave, vajzave dhe djemve, si dhe ofrimin e këtyre shërbimeve me cilësi e në respektim të parimeve të barazisë; integrimin e këndvështrimit gjinor në të gjitha planet dhe fushat për zhvillim të qëndrueshëm; planifikimin e mbështetur në burimet e duhura, etj.

Buxhetimi me pjesëmarrje – konsultimi i buxhetit të bashkisë për çdo program buxhetor; zhvillimi ekonomik, turizmi, investimet, shërbimet publike, shërbimet sociale, etj., me shoqërinë civile, komunitetin, biznesin dhe palë të interesuara.

Krijimi i apartamenteve sociale (ish konvikti pyjores) me destinacion jetimët që jetojnë në konvikte, jetimët që dalin nga strukturat rezidenciale dhe gratë kryefamiljare në situatë të vështirë socio-ekonomike.

Hapja e çerdheve dhe kopshteve të reja, në shërbim të komunitetit me qëllim krijimin e mundësive për punësim të grave dhe vajzave – nëna. (1 çerdhe e re dhe 2 kopshte të reja; janë në projekt edhe 2 çerdhe dhe 2 kopshte të reja).

Planifikimi i shërbimeve publike, është realizuar sipas qasjes gjinore; shërbime dhe investime që i përgjigjen njëloj të dyja gjinive; mbledhja, largimi dhe trajtimi i mbetjeve urbane, prodhimi, trajtimi, transmetimi dhe furnizimi me ujë të pijshëm, shërbimi i dekorit publik dhe ndriçimi i mjediseve publike duke ndikuar kështu drejtpërdrejtë në sigurinë e vajzave dhe grave, banore në territorin e Bashkisë së Shkodrës.

Bazuar në sa mësipër, mund të themi se sot ka një përpjekje të vetdijshme nga Bashkia Shkodër, që të përvetësojmë qasje të reja në fusha të ndryshme si administratë, investime, procese politike dhe jetë publike në mënyrë që të fillojmë një ndryshim strukturor, që përkthehet në implementim konkret të objektivave të barazisë gjinore në nivel qeverie vendore.

Duke ju falenderuar për bashkëpunimin,

**KRYETAR**

**Voltana Ademi**

**Me vendim delegimi  
ZV/KRYETAR**

**Emilia Koliqi**